

9

T 5466 / 3248

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE

SEP 15 1933

5531/3248

懷清堂集



漢書卷十七

仁和 湯右曾 西庄

乙未中秋後三日恭和 聖製奉送安漢相公

賦歸里

濟世功高在代，清天共三辰。

得效若春回萬事，秋成早得頌霖雨。使時平今應奉陪。

符欵知元右，加高處度筆慈。慈恩坦途。

願教神律管，常城書問道。寶神謀請城飲鳥，味正。

壯發，心勞明。日其機于書。

卷九折途。

懷清堂集卷十七

仁和 湯右曾 西厓

哈佛大學漢和  
圖書館珍藏印

乙未中秋後三日恭和 聖製奉送安溪相公

假歸里

濟世功名蓋代儒奉持堯日矢臯謨健隨 天共三辰

轉煦若春回萬卉敷歲旱舊須霖雨佐時平今應泰階  
符欲知元老勛高處度竿懸繩悉坦途

頗牧曾傳禁署儒蠟書間道贊 神謨請殲妖鳥猷真

壯嚴戮封狼 命再敷王畧心勞明皎日兵機手畫授

陰符孤忠最憶艱危際歷盡羊腸九折途

孔周絕學繼醇儒 金殿洋洋翊 聖謨道合三才源  
奧衍筆開萬象景紛敷丹青姓氏前賢貴魚水君臣異  
代符千樹棠陰畿輔在壺漿父老拜前途

祖道 天章寵碩儒上台虛位竚嘉謨都亭暫別千官  
會政府重來五典敷國事較於身事急人心實與 帝  
心符潞公九十朱顏好何限烟霄萬里途

胡少宗伯抑齋招同羣公寓樓小飲時長至前五

日

南宮下直盍朋簪近牖盃添綠蟻深天宇空來餘脫葉  
夕陽明處數歸禽城隅車馬勞人態河畔冰霜晚歲心

雪後看山應更好他時重約此登臨

嘉平九日仍用前韻奉簡抑齋先生前有雪後看  
山之約故篇中及之

西嶺雲堆綠玉簪不知雪片夜來深衝寒未稅投林鞅  
忍凍難飛出谷禽病負一尊前日約卧思三白老農心  
敝居差有巖中趣指顧春風肯暫臨

乙未除夕前一日次韻張漢瞻見貽之作

立馬江濱記別筵看羊海上數離年

昔與漢瞻邗江  
言別十九年矣每

因出谷思求友差喜連章得薦賢紅頰相看猶好在白  
鬚一笑正飄然明朝待進春端帖憑仗詩催淑景先

再疊前韻送陳季方

貧家蔬菽愧賓筵柏葉椒花已判年落紙煙雲人共貴  
到門羔雁子真賢通經致用名高甚將母懷歸意瀟然  
綠暗江南萬楊柳放舟猶及絮飛先

人日漢瞻文子思敏季方大叟峙公寓齋小集仍

用前韻

傳杯今夕是初筵良友相於可判年剛喜入春方七日  
況逢畢至有羣賢林中蕙草曾生未江上梅花尚宛然  
有盆梅一本老  
幹疎花絕可愛爛漫星橋三夜月後期更約試燈先

藤花廳寄唐東江司勳

楊柳江潭手重分幾回書札話殷勤極知說士甘於肉  
每惜論交散若雲松菊未荒餘舊業風流不墜寄斯文  
紫藤花下陰濃處二十年來轉憶君

丙申四月三日奏事苑西蒙 恩宣賜大學士以

下黎溪石硯一方歸示兒子學殖

殘書老眼兩三行伏獵猶存此侍郎東觀殺青何日是  
余承脩書局  
蓋五年矣綠雲一片媿分將

小兒困卧強書驚苦念彭殤理未齊今日祥光生墨海

永年兩字自 天題 硯背有以靜為用是以永  
年八字銘蓋 御筆也

五月二十二日澶淵道中喜雨有作

昨暮雲興似翻墨雨脚垂天萬條直綠槍攫攫作猛聲  
銀竹森森帶寒色野庭商羊舞一足鮮水鳴蛇斂四翼  
流從舍東繞舍西雷自山南轉山北天將甘雷慰 聖  
意民以豐年感 帝德且欣此夕有安眠更喜今秋得  
飽食長安故人應念我滑滑泥深行不得豈知瀟洒入  
山程爲賦新詩報相憶

送裴香山副使

時有脩濬西湖之約故賦此篇

使君未到官三載湖中居鷗邊渡水槩花下平肩輿時  
叩野人門或尋開士廬佳辰恣搜討妙意紛卷舒揭來  
十餘年風月情相於忽傳尺一詔隼畫翩翩旗昔游多

所欣今往復何如官曹領鹽鐵典掌兼傳車別我炎氛  
中涼颼生衣裾首言安人術次問當官譽我笑謂使君  
子器貴璠璣風清萬廣厦弊絕百吏胥公事了湖中塵  
累何足祛惟聞古良牧水利先堰潴六井鑿鄴侯決決  
鳴清渠築隄白與蘇長虹跨天墟一寸資灌溉百里潤  
耕畬只今湖西南日夜沙填淤老葑更蔽翳滋蔓不可  
除譬如明鏡圓已蝕半蟾蜍使君能規度較易元祐初  
增庠以爲高加廣數尺餘金錢費差省畚鍤力亦紓美  
哉復舊觀快若親爬梳渺瀰天水色蕩蕩涵空虛我歸  
期明年言從漁父漁無煩兩黃鵠已騰父老書何以獻

使君春醞雜冬菹何以壽使君木瓜報瓊琚平湖共臨  
汎十頃風芙蓉何者知最樂南屏金鯽魚

重過萬柳堂

小紅橋上立移時四十年來再到遲一片蒼葭迷野水  
幾行疎柳帶荒祠笙歌不記回燈舫魚鳥誰能認鬢絲  
剩有懷人惆悵意春明舊夢省郎詩

題沈心齋閣學蓮塘小影

先生水石興猶偏荷葉荷花淨可憐但得環城三十里  
不須更問雲溪田

楊廷秀過雲川詩菰蒲際天青無邊  
只堪蓮蕩不堪田東坡守郡日亦云  
環城三十里處處皆奇絕  
蒲蓮浩如海時見舟一葉

萬家笑語藕花洲

林子中吳興詩萬  
家笑語荷花裏

何日相攜一葉舟

玉鑑光中人照影水晶宮外月橫秋

十一月廿二日夜嘔血至升幾死後數日稍平隨

意所至輒成一首

丹竈紅鉛未奪胎忽從水底起龍雷龜蛇松下尋難得  
和扁門前望不來親舊相看還歎息吏人走報各驚猜  
須知幽闕重扃裏會有青銅鑲自開

歎歲流移失拊循可憐雀鼠指空困病無力奮垂天翼  
老只心驚下阪輪蒿少買田思舊隱首陽埋骨愧前人  
燭邊細字文書在倦眼昏花讀未真

默從泉路數交期逝水流年已可知蠻府尚餘碑下淚  
寓吳都猶唱卷中詩元朗三生聚會應何日六客存亡又

一時昨夢通明殿頭過依然玉立在瑤墀定制每九卿

給事中八人班殿下子與

兩君先後同官嘗同入直

從此真須勇退耕稻畦桑塢足閒行子孫私計誰推荷

東坡歐公致仕啓妻疾病餘年小太平梳頭浴脚長生

子之計推荷之於後疾病餘年小太平事臨臚之時小

太平出宋張端義貴耳錄雞黍有時招近局漁樵重話似前生貽書

先報山中友已覺風生兩腋輕

汎湖船上一袈裟家兄廣厓自乙亥宿植超然詎有涯

兄弟蚤年同奉佛宦遊今日竟忘家對牀苦憶蕭蕭雨

入室空求冉冉花餅鉢歸尋清淨飲不須更吐飯中沙

為徐勉齋侍御題日南種菜圖

由來循吏是高人繞舍秋風小摘新尚有雨餘行菜地

食鮭誰信庾郎貧

放衙藥裏並詩囊苦霧三年在瘴鄉猶是書生蠶百甕

可須消食進檳榔

自昔風流南路徐羊羹鷺炙乞殘餘一從斂版山城後

菜把園公謝不如

幽期抱甕古猶今茄菜蜂蟬小筆尋徐崇嗣有蜂秋末

晚菘春蚤韭一畦烟甲五湖心



送黃補齋之胙城任

每從淇汲寫遺聲白水青山入洞庭他日會書循吏傳  
絃歌好為采風聽

雨中柬介夫妙光閣

煩襟苦側塞曠思城西遊五更夢回時葉上雨點稠朝  
來勢轉劇懸河注瓦溝起行忽平階一一散浮漚阻此  
步履尋默憎呼婦鳩徐思病新差合遣筋力休門前泥  
活活去馬迷來牛輻脫軸亦折一日閒且偷秋雨山中  
居百道清泉流我今試合眼得似山中不

城西有招提佳處置小閣閣外三兩峯西山蒼翠削其

下有孤亭四面繞花藥尚書經營初賓訪時間作相公

繼遊屐每放林間鶴

庚辰辛巳間文靖公所留雙白鶴尚在閣後

回頭三十

年空憶風撼鐸老僧無舊侶香火冷佛脚東隣秋樹根  
疇昔下簾幙與子讀書處經行恍如昨但念今者苦誰  
省曩時樂苦樂行兩忘何知風雨惡

舍旁新拓書齋做樂天體

六十過頭是幸人如何不樂損天真但令有石皆應拜  
縱使無花也當春堆案圖書堪送老滿林風月未全貧  
更營煖室莎臺上調護冰霜歲晚身

經過步履卜隣初景物園林南路徐

地初經營於山陰徐氏壬申癸酉間

子就屋鄰並人去已同流水逝燕來還認故巢居連峯  
常遊憩於此紫翠看皆好喬木風烟畫不如塵事少休來獨坐恍疑  
仙爪為爬梳

孟門虞阪路艱難局戶知無異患干幸以疎狂逢 聖  
世況兼蕭散本儒官閒中掃掠新蘿徑病後扶持舊藥  
闌裝點青紅任兒女欣然一笑得加餐

見山便已似還家偃仰幽情十倍加隙地更思勤放竹  
明年準擬徧栽花故人來共留終日名酒求還載滿車  
長憶風流謝康樂不曾邛壑廢京華

謝詩昔余游京華未嘗廢邛壑

南齋遣興

落落心逾冷冥冥眼欲迷五株桃樹底一角草亭西石  
逕從教窄柴門不厭低舊諳卑冗趣轅下笑雞栖

料峭寒猶甚窗扉幙重遮凍舍連日雪風散一城花宿  
火勤煨芋清泉細品茶尚餘閒氣味依約似山家

洛濱經歲憶京邑蚤春期勸客三杯釀留僧一局棋

長老善碁時

心悲如滿塔卷賸惠休詩

謂影何處飛空

錫咨嗟病起時

春日春盤後華燈滿禁城烟花南部夢鐘鼓北平聲宦  
拙如朝隱交疎見物情莫嫌人共棄且得免逢迎  
吉語喧都下軍書日夕多平安傳候火兵甲洗天河白

馬經新入青牛客屢過幾回雞樹下衰老重婆娑

右軍誓墓後志欲老江東築室依封樹浮家狎釣筒柳

隨低岸沒葑卷半湖空舊觀何當復蘇公繼白公

弟兄皆奉佛給事有西莊蘿薜門常合烟霞興不忘四

松依石瘦一水帶溪香子季還吳日靈禽集講堂

藥物求何益醫門覓更難撥書愁夜永擁被怯春寒挑

菜逢新節移花壓舊欄從花窖買十餘本明朝正祈穀燿火接

郊壇

病後月餘不能出臥室悶甚聊作數篇解嘲

丁酉五月

十九日

間看乳鵲翻林日靜見新菰冒水時一榻風簾欹角枕

合歡花影正參差

嵌空剔出舊莓苔小小雲根翠壁開借問三峯誰判與

可曾載自太湖來

水活漣漪徹底清跳波戲藻小魚行更穿屋下仇池穴

卧聽風泉瀉壑聲戲作連筒引水從塔下石罅注池淙淙有聲

空階永日綠陰鋪炎毒人間定有無莫笑吾廬猶火宅

仙家珠樹恰三株

茉莉花繁抵素馨自開自落在中庭誰家月下褰簾女

一朶香銷宿酒醒

忍冬幾本雪霜加去年小雪後編籬移種寒甚移來好事家今日

沿籬總生意不須更待蚤秋花

由來貴種出天工夾竹桃開有兩叢誰遣畫師來貌得

淇園綠映武陵紅

寸根栽向曲籬旁培護還同百草長他日西風寒露裏

一枝獨秀雁來黃已上皆室前所有

十二月十二日晚天門枉駕見存予方在疚病涕

淚中不覺其言之悲也

數卷恒河萬劫沙幾行衰淚落悲笳故人白水言猶在

歸夢青山路正賒剩有高吟排雪浪小留輒語綴燈花

他時中禁思才子先問元和宰相家

懷清堂集卷十七

男學基學顯孫衛源孝策謹校

懷清堂集卷十八

仁和 湯右曾 西厓

贈顧九恒時戊戌上元後四日

八十翁真壯青雲算鶴程賦詩留古意把酒謝時名  
夜雨燈前話春風隴上耕魯連心倜儻高意動聊城

題萬九沙蘭窗卷

劍履槐堂世業存高風佩芷襲芳蓀窗前蘭似廳前柳  
指與丹陽六代孫

春叢空谷紫抽芽九畹風流異代誇三百年來收拾得  
大弓寶玉送君家

懷清堂集 卷一  
送馮文子之禮縣

行矣將圖不朽名未嫌仙令一官輕地連同谷曾開府  
天近陽關尚用兵小邑自來無大費薄田只要勸深耕  
誰知萬里河湟外正有書生願請纓

與翁思敏話舊

小來同學又同年門戶潘楊舊有連挾策尚思鄰馬肆  
脫裯誰省弄犀錢家山並宅心長在宦海聯舟地偶然  
虎嘯猿吟鄖子國不妨閒話夜燈前

寄和令詒給諫

海上看鷗幾歲華舊來朋好每咨嗟九苞威鳳饑何食

一角神羊觸必邪焚草未應忘報國著書聊喜得名家

來詩有詩癖  
書淫之句

當時湯餅筵前客玉雪兒郎已可誇

憶到天池彩翠重只今梧院尚陰濃一坳水底波濤潤

千尺枝邊雪霰封地下故人雙諫議

謂西齋耳谿唐范  
攄云二諫垣矯翼

翩翩雙  
名並席

門前黛色九芙蓉祇應爛熟塵中事未厭山僧

夜打鐘

簡礪房

兩三坊隔無多路六十年餘有限人只合時時尋老伴  
還教處處鬪閒身詩場戰後千夫特酒海深來四序春  
我似右軍終樂苑是非得喪等浮塵

懷清堂集 卷一 送色侍郎奉使西寧督理兵餉

天近陽關震鼓鼙行營金印手親提轉輸關內兼河內  
節制湟西更隴西傳箭軍中收鐵勒踏歌池上唱銅鞮  
葡萄酒熟邊城路好問尚書訓士齊

時冢宰富公開帥府肅州

過法華庵

玉河屈曲貫城流匯作風漪十頃幽清浪似翻龍鉢底  
閒雲遙接雁池頭老慚佛法三乘入病想僧房一榻休  
他日蒲蓮浩如海可知宜夏復宜秋

天河

用杜韻

素練經秋直涼波徹曉明界天分淡白避月出孤清隱

見光浮地闌干影挂城待尋機石上好趁晚潮生

棗

初種甫尋尺今看半出簷實經風裏坼味較市中甜鄰  
遠知難撲兒爭笑不廉甘瓜削榆次為釘客盤兼

偶見

忽看田野趣半在老夫家屋角壺堪斷籬邊豆尚花侵  
階叢野菊絡石蔓秋瓜他日東屯去為農興倍加

曉起

林鳥忽一鳴攬衣起已曙風吹夜來雨葉落窗中樹梁  
燕去仍還池花晨復暮似聞采菱曲夢入江南路

宣武門東城下曉行

老去應官有底忙未明先起攬衣裳人從鴉鵲聲中出  
路入輪蹄影裏長牖下已添秋水勢城陰初散曉煙光  
隔河樓上花枝好尚護重衾半篆香

中秋月蝕

明鏡塵昏匱匣斑參差桂樹有無間夢魂似到清虛府  
偃息真慙救護班玉斧脩來仍璧合蚌胎滿後看珠還  
一篇孤憤貞元體笑爾妖墓亦等閒

戊戌閏八月三日送安溪相公喪至廣渠門外歸

過萬柳堂

碧柳行疎尚有塘偶隨步屨一褰裳三年人到悲歡異

乙未秋餞送相公假歸曾過此

八月秋深葦荻荒橋壞誰裝新雁齒水

枯已斷舊魚梁過溪更問叅寥子

向有龍井僧住此今叩之歸已二年矣

雲物蒼然念故鄉

葛氏莊

入門池上小茅亭瑟瑟菰蒲水檻臨三尺也看波潑灑  
數峯差喜石嶽崙天邊月到平臺迥春際花藏曲塢深  
不問園林誰是主可知看竹子猷心

小雪後八日宿聿脩學士苑西新居

逆旅當時兩寓公

壬辰以來數與學士借宿於此

林亭今屬主人翁隔



牆幾見葡萄熟來歲還添芍藥紅  
袞袞流年飛鳥過紛紛俗慮覆杯空  
閉門風雪蒼寒地此意期君晚節同

自苑西歸行墟墓間

東華西苑往來頻失笑車中七尺身  
老冉冉兮雙鬢雪豕鬣纍處百年人  
青天月自無今古滄海珠休問假真  
何肉周妻皆有累不知何路出風塵

大雪後一日九恒礪房同集寓齋感成一篇

下坂千尋石礙輪掀天一葉浪無垠  
百年幾見爲歡夜列座誰非既老人  
醉慰且休誇故李童兒聊任羨新秦  
溫房小墜堪遊戲已遣寒梅豫報春

西苑請 皇太后安是日大風寒甚

撲面風尖奈爾何日光未動曉寒多  
問安長信宮中去緩步宜春苑裏過  
石以霜侵稜刻削冰如山立勢嗟  
幾汗人何與元規事十丈飛塵一任他

除夕前一日作

女中堯舜失宣仁 聖主居廬孝理新  
每待檢書官燭短苦難安枕禁鐘頻  
十行遺 詔冰霜日三獻哀詞侍  
從臣歲晚玉堂尋故事更無帖子寫宜春

覓春

覓春惆悵爲春遲九十風光欲半時  
桃蕊乍苞宮纈影

柳條未散麴塵絲年年觸物心多感夜夜懷人夢有思  
院落燈紅簾月白且排閒悶一篇詩

元夜思敏南指聖湖雪子咸珍峙公聿脩寓齋小  
飲

寶馬香車五夜回銀花火樹九門開強酬節物因留客  
未減風情試撥醅皓魄最明今夕月繁枝猶放故園梅

盆梅數本皆  
故鄉所寄

只嫌寂寞歡踪少喚取笙歌一部來

次韻奉贈雪子

昔游曾是十年遲洛水梁園並馬時笑我尚羈轅下足  
羨君未點鬢邊絲因懷薦士中多愧除却歸田百不思

蚤晚高才選何武中和樂職賦新詩

清明前一日與蘭揮舜揚南指翰編奏功比部西

亭水部蒼孚思敏農部聿脩大令峙公雪子文

學花下小飲

初過百六頰春工千枝萬枝雲錦叢杏花未慙梅已老  
照眼瞥見山桃紅是誰啣出蓬萊宮吾家亭子東復東  
三更霑洒微雨潤百態婉媚朝陽烘臙脂點注珠粉融  
玉兒窈窕窺房櫳一堆香雪嬌媿媿三年三度清明風  
有力莫因陳子公得閒即覓王無功山雲本是戀卬壑  
野鶴乍似辭樊籠樂哉累觴一舉空冰綃卷出霏霧濛

尋香已見接翅蝶簇藥漸開黏鬚蜂武陵漁郎迷短篷  
天台仙路杳不通極知此日足可惜默數後會將母同  
當時少年今老翁花開花落常念念夜闌更借官奴笛  
一曲清歌明月中

酬蒼孚農部

倚遍曲闌風年光逝水同春當三月尾人在百花中數  
數煩佳句時時借樂童

農部每以  
歌者至

鷓鴣遙夜唱聊復慰

衰翁

齋中山桃盛開雪子用東坡江行見桃花韻作一  
篇見貽次韻奉答

佳士如名花常恐委草莽心思折麻贈莫遣采蘭阻之  
子故鄉來冰雪暗江浦坐我林亭春紅點衣上雨似聞  
歌桃葉姪姹鷹門女連朝困風霾欲刮一寸土幾枝吹  
未折萬朶嬌無語酌之以清詩逸思共霞舉湖堤晴渌  
漲夢想煙際艣武陵疑可尋雞黍具客主天台採藥去  
誰云入道苦我作如是觀造物方付與興酣掌中杯意  
盡腰下組期君和露種天上鳳翔翥

新移蜀海棠二株

石鏡山頭好顏色蜀王宮中留不得化爲絕艷到天涯  
燕燕鶯鶯春一國嫣然顧我頰而姝雙鬟千萬買不如

輕陰似護午睡態細雨為洗梅天圖施粉施朱兩何有  
強言國色朝酣酒慈仁院中今幾年玉蘂飄零根已朽  
小窗揀得最繁枝桃李開殘未後時風和晝永簾押靜  
看爾綽約神仙姿

賈耽花譜謂海棠花中神仙

題汪蒼孚農部五世讀書圖

萬籤曾說貯書倉三本猶應剩墨莊誰識茂林脩竹外  
別開花峙讀書堂

承家學海與經神司馬風流跡未湮喬木百年餘蔭在  
望郎今是有名人

感懷四首

弱齡志典墳中歲踏朝市生逢堯舜君可以出而仕十  
年持史筆八載分諫紙迴翔領清班荏苒逮暮齒雖無  
理人術頗抱竊祿恥進退觸藩羝耿介罹羅雉漳濱久  
寢瘵老氏貴知止傾危聲利場翻覆輕薄子昔為膠與  
漆今化虎與兕問君何以然趨勢古如此但邀令尹顧  
請為公子死

冥坐息羣動曠懷思往賢塊然獨忘情乃在太古前昨  
得故人書

謂田居

遠別涕餘潛萋斐貝錦織斷絕朱絲弦

自小為骨月豈能捐愛恩中路各翻飛四運多變遷葱  
蓊瓊樹枝演漾璇水源榮枯詎一致得喪感萬端矧余

三紀餘摧剝傷肺肝芳華及時曜霜露淒復寒君看田  
中瓜鉤帶子母連君看林中葛詰屈枝蔓纏在物猶如  
此于人良可歎

仕宦三十年始獲有此居此居何所有所有千卷書高  
詞足文府精理握道樞一語苟爲妙萬言同翳如所以  
餐霞人騰身在空虛駕鴻乘紫鳳飄飄風露俱左顧汾  
水陽右盼崑崙墟天孫錦七襄靈妃衣五銖下士方辛  
苦窮老注蟲魚

歌亦不全無酒亦不全有逍遙有無間雲夢吞八九黃  
河只裳帶泰山等培塿功名足還倚富貴手被肘同爲  
可憐傷何者云不朽牛山忽揮涕歷載到峴首況我沈  
冥人大海粟何有直排金銀臺南北望箕斗

題商邛畫蘭

竹箭美必採澤蘭香宜紉公子鎮東南空谷無幽人偶  
然託妙墨寫此平生親吁嗟魏公籌小筆乃爾神

己亥五月足疾杜門雪子峙公過訪閒話竟日作  
二篇奉贈各以姓立韻

五馬浮渡來最數江東王豈惟養炬輩烏衣冠諸郎吾  
子年少日五色成文章舅氏古先生館子白鳳堂當時  
兩冰玉戚姬分末光我時黔陽歸始接衣履香回頭二

懷清堂集 卷一  
十載雙鬢漸已蒼鸞鳳刺天飛翦鴿不得翔  
竭來到京國執手共感傷子才必見收行待  
槐花黃世有蕭穎士當識古戰場何假吳武  
陵一賦袖阿房

我老多昏忘頗似東陽沈

南史沈約傳老大昏忘不應受策

每呼讀雌

寬愛子獨精審連年領書局捆載車接軫休沐無餘閒  
肝腎費鐫鉞誰為左右手衰疾謝不敏子也實雋才墨  
盡有餘瀋寸截方圓玉百衲龍鸞錦平生江鮑體繁麗  
自天稟瑣瑣視羣兒不滿一笑哂雅耽水竹居時就文  
字飲娉婷惜不嫁況乃邢與尹我誦退之言枚臯窮且  
忍

樹下一首

日夕坐簷下愛此嘉樹陰嘉樹最何好斜陽在高林兩  
株盡西靡一株還東臨葉葉似相蔭枝枝若相尋宵有  
熠燿螢晨有關關禽下及九仞泉不見螻螿侵上蟠百  
尺枝時聽竽籟音生非椅與桐材不中瑟琴又非杞與  
梓梁棟非所任只合幽人居同此靜者心念昔始尋尺  
合抱遂見今荏苒四十年老大轉沈吟

杜云沈吟屈蟠樹 閱人

良已多對酒未忍斟中丞宰木拱大令宿草深獨有顛

顛客猶然未抽簪

四十年前屋主入為傳雨臣中丞沈澗房大令嘗假館焉余每往來談讌

於此

旬日癰毒發右足創甚至不能履地一篇解嘲

是身如芭蕉破碎霜雪裏衰年諸病入小者亦爾爾經

旬困吟呻永日在牀第乍疑馬便疥肯信蛇齧指痒當

十手搔禮記痒不敢搔快得一餉美初焉爬鳥爪既乃螫蠱尾

顛倒魂夢驚楚毒支體毀寧知痛至骨但見水如泚到

曉或不瞑竟夕常數起嗔火熾未斷魔風颺不死山谷詩黃

昏風死浪亦平皴剝無憐肌浸淫有挾髓誰云尊兩足會當滅

一趾決命訪醫門捧方求藥市煖湯濯宜數杜詩煖湯濯我足

裂裳裹方始裂裳裹足墨子事茗勤點紅囊果還佐青子近用龍井

茶研末橄欖核燒灰詎免水厄誚聊用瘍祝比支離近齊纂磨括

類燕砥敢云蹇無尤麤望跛能履鶴脰翹不下夔足隻

還踦介驚公文軒半笑習鑿齒拘拘還造物跂跂逐蟲

豸折或以占鼎敬恐同廢几跼蹐亦復佳蹒跚未宜鄙

久虛結客鞵屢缺候門屣猶能蹋冰無但可曳杖耳臨

風畏蹉跌看月艱尺咫扶行必徐徐舉步輒止止誰爭

黃犢健自愛白駒駛智已不如葵憂同常寘杞易林據棘履杞

跌刺為憂何由輕緣骨空自繫金柅就燥呼芎藭去濕載蕙

茲榆枋雀一踊霄漢鵠屢企扶輦有門生閉戶非高士

白詩閉戶病足非高士聞音久寂寞遺土或倫擬莊子視喪其周足猶遺土也

遭解脫門出入無何里嗒然忘其身微疾何慍喜

奉和 御製詩四首 有序

康熙五十八年六月 上賜大學士王掞等七

言律詩一章都人傳誦口沫手胝 臣 右曾亦得

擎蹠迴環尋繹熟復仰見我 皇上勤勞機務

優厚耆舊至意而鏗金戛玉美備八音瑞日卿

雲光呈五色 臣 伏思七律所自權輿有唐沈宋

始導其源高岑復衍其派王孟繼之以清雋杜

韓加之以沈鬱劉白之流便精切溫李之緻密

婉麗以逮錢劉皮陸各有所長並臻其奧至我

皇上駢羅百代囊括諸家詩學萃於大成琅

函垂諸萬世今茲 聖製一篇正如神龍片甲

縈帶風雲丹鳳一羽照耀日月 臣 幼耽吟咏粗

習篇章遭逢 聖明塵忝侍從蒙 恩拔擢以

至今職親見 欽明文思之君獲窺婉雅儷頌

之什誠懽誠忭心慕手追伏念宋時太平興國

以後凡有御製多命近臣屬和唐時張說為集

賢院學士有奉和聖製賜諸州刺史及賜崔日

知往潞州諸作 臣 現直翰林不揣弁鄙竊附斯

義敬和四章上請 聖慈俯賜誨示 臣 雖衰鈍

尚得仰稟 訓詞知所師法 臣 不勝欣幸顛望



之至

四始鈞陶第一人宮商入律協君臣高詞冠古篇篇妙  
至德根心字字真道貫百王言作範書窮萬卷筆如神  
揮毫盱食宵衣後六十年來慎笑嚙

包羅歷代衆詩人沈謝何劉總隸臣句裏風雲森氣象  
行間煙月出清真黎元念切知無逸造化心通識至神  
遙想仙都凝望處夏山新霽翠如嚙

螭坳龍尾幾前人寶翰輝華寵老臣求舊每多今昔感  
撝謙亦本性情真詩成御製同三代福自天申護百神  
殿閣薰風晴晝永墨花遙共苑花嚙

樗散才非侍從人猥蒙異數領詞臣十行札賜劉常侍  
兩命恩隆賀季真立鵠班中瞻睟穆飛龍天上見精神  
南山願獻無疆壽四海歡聲笑不嚙

雨過

徂暑溽未闌油雲曖將夕林中過涼雨牆外響幽屐在  
襟冲思盈即事蠶塵隔氣迴枕簟冷意愜魂夢適起行  
到前除抱疴稀履迹池邊孤月上露下幽花滴牀頭一  
卷書千載猶宿昔不有盈樽酒何以慰離索

獨坐

老椿百尺枝高槐一畝陰不見喬木古詎知幽居深身

閒疾漸遣事往感在今挾子烏朝飛嘯侶猿夜吟如何  
別親愛惻惻恒此心長廊去逶迤行跡難重尋惟餘松  
石間髣髴有遺音幽憂何以寫空此風中琴

卧起遣懷

天風海濤喧一枕卧看高槐舞疎影起行雨過百草榮  
坐久窗虛九秋冷青綾白袷或時御葵扇絺衫俱可屏  
陰濃舍後有梧竹寂寞門前無造請偶然一病豐暇豫  
且為多年掃頑礦時患癩毒米鹽家人事休白婚嫁兒曹書  
不省汎汎常思月在湖悠悠只憶雲生嶺歸與老境便  
平魚稻久矣童心戀閭井且試山中昨寄茶玉溝清此

佳光景

七月一日偶作

夜多不寐晝慵行強起風前白袷輕老去但餘松石意  
客來勸聽管絃聲綠萍得雨依依合紅葉先霜艷艷明  
都中雁來紅盛于六七  
月至八月後則萎矣物色新添四叢桂故人遠致闔  
閭城

立秋後漢瞻見過

取次金行熱未休欄庭一葉落還不誰言積雨能消暑  
纔到斜陽已入秋是日以酉  
時立秋舉扇似添風瑟瑟展衾試  
待夜悠悠清樽可是招涼物更乞先生為小留

明日復用前韻作一篇

叢薄煙銷雨意休  
西風策策簞知不  
每嗟世閱人成世  
見列肯信秋非我有秋  
見漢殘暑入林蟬  
嘒嘒蚤涼牽  
夢蝶悠悠曲闌干  
外閒亭子多爲看  
花待月留

重過法華庵

慈恩寺外碧湍流  
故老猶傳地最幽  
銀漢影斜天左界  
鏡光湖接水西頭  
煙雲日日從舒卷  
衰病年年未退休  
九十劫如風雨疾  
螻蛄那復問春秋

夜雨

浙浙復浙浙終夜不斷絕  
恍聞秦絲怨如聽隴水咽  
孤

臣十年流思婦萬里別  
如何此時情淚下俱成血

夢吳山

我夢還山中山中叢桂發  
洞古林壑幽臺高風景豁  
潮聲落江海秀色割吳越  
感彼巖端棲弄此石上月

送翹梧翹梧一字待翁因以待字立韻

梅花庾嶺上綻若珠百琲  
歸來廬山雲湓口一帆待  
舊游曾幾日槐火歲五改  
喜子膺薦書治行壓寮案  
謁帝蓬萊宮賜衣光翠彩  
忽承明主問敢蹈蔽賢罪  
故人乃知君令名出无賄  
行馳太守傳嘉績竚三載  
榴花照眼紅別我向淮海  
王城方苦旱乞雨禁剗宰  
何物

登盤筵畦蔬尚堪採

送介夫介夫一字固庵因以固字立韻

大槩取富貴儒冠計或悞霓裳譜遺聲乃遭俗工顧騏  
麟天驥子鹽車在道路美人桃李顏倏忽感遲暮游從  
三十載愛子心跡素冷然青松枝不受雪霜沍精心貫  
金石軟語款親故昨來連牆居寒廳約頻赴茲晨忽告  
別離緒增觸迂悠悠淮南雲杳杳廣陵樹明湖足臨汎  
流電走烏兔大力負之趨藏山未必固明年待吾子槐  
黃及秋賦

懷清堂集卷十八

男學基學顯孫衛源孝策謹校

懷清堂集卷十九

仁和 湯右曾 西厓

詠齋中草木五十二首同雪子作

松

去年霜後枯今歲雨中蘇不是蒼髯叟誰當慰老夫

桂

分將月中種自我山中寺

天竺也

山中人不歸月中香可

致

槐

翠作老龍蟠陰濃六月寒清心了無夢不入大槐安

椿

童童覆如蓋南堂綠陰滿仙人八百年來共靈椿館

桐

清陰凋急雪無復蔭我室欲斲枯桐枝恐不中琴瑟

榆

我家老榆樹枝幹蛟龍纏題詩厭常語不道沈郎錢

竹

碧篠數十竿徙栽疎復密莫訝叢喧卑漸喜鞭橫逸

楸

布葉如雲屯蒼然入夏冷西風障落日晚下茅亭影

重堂深處知在  
南堂綠陰滿  
仙人八百年來共靈林館

桐

清陰潤急雪無復陰我室欲斷枯桐枝恐不中琴瑟

榆

我家老榆樹枝幹蛟龍纏題詩厭常語不道沈郎錢

竹

君簌數十竿徒荒疎復密莫計叢喧卑漸喜鞭橫逸

楸

石葉如雲毛冬然入夏冷西風墮落晚下茅亭影

